

Oraziun: en dedemesaledema ai 18 de ma ales 20:00 s'encunta te salf de calogna d'Al Plan le grup de oraziun con signor Sepl Granruaz. Düc é benodüs.

Oraziun da Taizé: la proscima oraziun de Taizé ven tignida en vendres ai 20 de ma ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

Ocio: le **dotur Aldo Marcocci** sará demez dai 17 ai 20 de ma; empé de el sarál la doturia Ceapa a Al Plan (☎ 320 9549158) te ambulatore do l'orare normal.

Comun de Mareo/1: le Comun de Mareo lascia alessi che al é gnü publiché en concurs publich por la corida de önn (1) en post a tomp plen y indeterminé de personal de netija cualificada - II. cualifica funziunala y rresservé al grup linguistich ladin. Les domandes é da dé jö tal ufize personal dal Comun de Mareo anter les 11:30 dai 20.05.2016. I candidac/les candidates pó passé dantan i orars d'ufize te Comun a se dô la prestampa dla domanda y por atres informaziuns.

Comun de Mareo/2: le Comun de Mareo lascia alessi che al é gnü publiché en concurs publich por la corida de önn (1) en post a tomp plen y indeterminé de assistet/a aministratif/va con diplom d'université - VII. cualifica funziunala y rresservé al grup linguistich ladin. Les domandes é da dé jö tal ufize personal dal Comun de Mareo anter les 11:30 dai 20.05.2016. I candidac/les candidates pó passé dantan i orars d'ufize te Comun a se dô la prestampa dla domanda y por atres informaziuns.

Comun de Mareo/3: le Comun de Mareo lascia alessi che en sabeda ai 21 de ma vegnel organisé a Al Plan na gran eserzitaziun MANV (Massenanfall von Verletzten), deboriada con deplü lies de socurs y salvamont. Porchel gnarál saré dales 8:30 ales 13:30 la strada dal ciamp dal sport Ciamaor cina püch dan Lé dla Creda.

ACS Mareo: en ocasiun dla Europeada 2016 chir le ASC Mareo - seziun palê - voluntars co deidi dantant che edema dai 18.06 ai 25.06.2016. Sce zacai ess interes o domandes da fá pói contaté Paul da Pederü, ☎ 347 5539149.

Döt le bun a:	Giovanni Nepomuk Agostini, <i>Valsperch</i>	* 15.05.1932
	Jep Palfrader	* 16.05.1934
	Msgr. Karl Golser	* 16.05.1943
	Sr. Angelica Daverda, <i>Legnano</i>	* 17.05.1930
	Milio Winkler	* 17.05.1933
	Jan Brandlechner	* 18.05.1933
	Oliva Feichter Bridi	* 21.05.1921
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: **Signor Heinrich Perathoner**
E-mail: ploania@gmx.net

Calogna Al Plan: **0474 501006**
Radio de Ploania: **93,00 MhZ**

UNITÉ PASTORALA



VAL BADIA
www.unitepastorala.org

Ann C

15.05.2016 - GRAN FESTA DE PASCA DE MA

n. 25

Le Spirit Sant vita dla dlijia

☞ **St.Ap 2, 1–11 | 1 Cor 12, 3b–7.12–13 | Gal 5, 16–25 | Jan 20, 19–23**

Dal Vangelo do San Jan:

¹⁹La sera dal pröm dé dal'edema, canche i discepui â, dala tema dan dai iüdes, saré pro les portes, él gnü Gejú, é jü amesa ei ete y ti á dit: Pêsc a os!
²⁰Do cöstes parores ti ál mostré söes mans y so costá. Danló se ralegrâ i discepui da odei le Signur. ²¹Gejú ti á ciamó n iade dit: Pêsc a os! Desche le Pere m'á mené me, ensciö ves meni iu os. ²²Do ch'al á albü dit cösc, ti ál fladé ados y ti á dit: Recioiede le Spirit Sant! ²³A chi che os ti lasceis do i picês, ti éσαι lasciés do; y a chi co os ne ti i lasceis nia do, ne ti éσαι nia lascés do.

I ponsun do

Da Pasca de Ma se recordunse che Chelbeldio opereia tla Dlijia dal meterman encá y endespra entres endô entusiasism. Le Vangelo nes dij, ci che Gejú á fat le dé de söa rressoreziun, mo ince ci ch'al opereia te nos, dandadöt tla confirmaziun. Tla confirmaziun sozedel avisa ci che le Vangelo cunta: tres le sorvisc dla Dlijia gnunse sigilés con le Spirt Sant, la scincunda de Chelbeldio; i ciafun le salüt de pêsc y i gnun menés fora a ester testimoni de Gejú Crist.

I periu

Gran Dio, le Spirit de to Fi ô formé nosta vita y nosta Dlijia. Daüresse a söes operes y fá ch'al vegni entres endô Pasca de Ma danter nos. Por Crist, nosc Signur.

Wilhelm Egger "Sonntagsbibel"

☞ **Letöres dla gran festa dla SS. Trinité | domegna dles families:**
Prov. 8, 22–31 | Rom 5, 1–5 | Jan 16, 12–15



Edema liturgica dai 15.05. ai 22.05.2016

DOM 15.	GRAN FESTA DE PASCA DE MA Sofia, Sonia, Isidor, Friedrich
08:30	“Veni creator”, gran messa ciantada solena por dōta la ploania ♫ Anton Faist, “Dritte Messe in Es” <i>oferta por i debojūgn dla ploania</i>
▶	ores d’adoraziun: do messa cina les 10:30 Curt, 10:30 - 11:30 La Pli, 13:00 - 14:00 Pliscia
14:00	espi da festa y benedisciun eucaristica
Lön 16.	LÖNESC DE PASCA DE MA Johannes Nepomuck, Ubald, Adolf
08:30	gran messa ciantada por i prei vīs y defonti d’La Pli ♫ Ciantadus
▶	ora d’adoraziun por dūc
Ded 17.	Dietmar, Walter
07:30	s.m. de ringraziamont dla fam. Pepi y Edith Huber, Peraforada s.m. por +ti dla fam. Tone y Emma Feichter, Tescere
Dem 18.	Jan I., Burkhard, Dietmar, Felix, Erich
18:00	<i>s.m. a Al Plan</i>
Jöb 19.	Ivo, Zelestin V., Kuno
19:30	s.m. de ringraziamont dla fam. Jep y Helene Ellecosta, La Costa s.m. de ringraziamont dla fam. Lois y Hannelore Pedevilla, Sorōa s.m. por + Rosa Marchetti
Ven 20.	Bernardino da Siena, Elfriede, Valeria, beata Josepha
07:10	<i>s.m. a Al Plan</i>
Sab 21.	Sabeda de S. Maria Hermann Josef, Christophorus Magallanes y compagns
▶ 6:30 ca.	rōa adalerch la prozesciun da Valsperch s.m. ad intenziun y de ringraziamont por la sanité
▶ 9:00 ca.	rōa adalerch la prozesciun da Valdaora s.m. ad intenziun y de ringraziamont dai Angeli Custodi
18:00	<i>s.m. prefestia a Al Plan</i>
DOM 22.	GRAN FESTA DLA SS. TRINITÉ Rita da Cascia, FESTA DLA PRÖMA SANTA COMUNIUN Renate, Julia, Emil DOMEGNA DLES FAMILIES
▶ 09:00	i acompagnun les 4 mitans y i 3 mituns dla Pröma Santa Comuniun da paiun te dlijia, gran messa en onū dl’Eucaristia y de S. Maria dal Bun Consei por ei y por la comunité ♫ scolari
<i>ampola:</i>	por fam. Tone y Clara Frontull, Mareo
<i>ministronc:</i>	▶ da doman y domegna: Jan Burchia y Daniele Ellemunter ▶ da sera y domegna: Chiara Willeit y Sara Willeit
<i>i recordun:</i>	Ida Peslalz Magrotti, Balsan + 15.05.2010



Mena fora to Spirit

Mena fora to Spirit
sora jogh y vedli
sora ei y eres
sora conesciūs y foresc
sora orient y ozident.

Mena fora to flē
tal cōr dles porsones
tla bocia dles porsones
tai edli dles porsones
tles mans dles porsones.

Mena fora to fle
sora chi co crei
sora chi co dubiteia
sora chi co s’ō bun
sora chi co é susc.

Mena fora to fū
sora les parores dles porsones
sora le scuté dles porsones
sora le lingaz dles porsones
sora les ciances dles porsones.

Mena fora to fle
sora dūc chi co laora por le dagní
sora chi co manten le bun
sora chi co ciara dla vita
sora chi co crei te val’de bel.

Mena fora to Spirit
sora les abitaziuns dles porsones
sora les ciütés dles porsones
sora le monn dles porsones
sora dōta la jont de buna orenté.

Mena sora nos to Spirit,
atló, segn y dagnora.

da „Parores por vigni momënt“




Pfingsten

*Aus Missmut wird Mut, aus Stummheit wird Sprache,
aus Verstecken wird Offenheit.
Geschenk des Pfingstfestes: Das Leben freundlich machen –
und machen lassen. Die Gaben Gottes erkennen und sich an
ihnen erfreuen. Die Gaben nicht behalten, sondern teilen:
Weil Gott uns nahe ist, dürfen wir einander nahe sein.*



Vita de ploania y de paisc



“Signur, confermeia söa empormetüda d’amur önn por l’ater.”

La ploania i fej les miūs aodanzas de benedisciun y fortuna ai nūc
Daniel Ellecosta y Silvia Pircher co se dá adöm tal sacramont
dal matrimone en sabeda ai 21 de ma a Truden.

- **La Musiga:** la Musiga d’La Pli envieia der bel al **concert de Pasca de Ma**, ai 15 de ma ales 20:30 te Ciasa dles Uniuns.
- **Uniuns dles Eres:** da d’altonn vegnel motü da jí n **curs da cují por prinzipliantes** con Elisabeth Elzenbaumer; informaziuns y prenotaziuns cina la fin de ma pa Veronica Ellecosta Peslalz.
- **Ocio:** en **jöbia ai 19 de ma** sarà le to’ de strada co va ia dal magazīnn dai Stödafūs slüt jō al trafich dales 08:00 ales 09:30 ca. deache ch’al ven motü da jí l’aziun de educaziun stradala “**Hallo Auto**” por i scolari.